

8. EPIDENDRUM (*anceps*) foliis caulibus oblongis; spicis laxis; nectarii labio inferiori semitrilobo; caule ancipiti. TAB. CXXXVIII.

Planta parasitica arborum, semipedalis vel paulo altior. Radices fibrosæ, teretes. Caulis compressus, superne anceps, foliis paucis ornatus. Folia oblonga, obtusa, coriacea, alterna, vaginantia. Spadix lateralis, pauciflorus. Flores caractere Epidendri difformis; sed nectarii tubo petalis fere duplo breviori; ejusdemque labio inferiori semitrilobo; lobis rotundatis, subæqualibus, intermedio levissime bidentato. Germine petalis æquali. Fructum non vidi.

Habitat in sylvis Mercimicæ.